

食布帛宮室較飲茹毛食肉衣皮穴居野處為便利也郡縣選舉召募較封建世卿鄉兵為便利也至於豪強兼井貧富不均較之井田人有恒產此大不便利者然今欲復井田之法雖愚者皆知其迂謬而不可行也且火化穀食布帛宮室此開物成務之聖人所改變也若郡縣選舉召募及田為各人產業此皆後人因時改變並非開物成務之聖人所為卒之一變不可復者此其中有天道焉天道或數十年而變或數百年而變推步家七政之古法八星之新法其度數盈縮皆不可猝見今即以地氣之轉移證之古時地氣盛於北方黃帝合符釜山在今塞外其時北方必不若今荒涼古時又以泰山為中封禪升中之禮皆行於泰山山下古稱為齊州齊中在如人之腹臍也春秋戰國時所號為中原不過河南山東數省孔孟周流列國只此千里之地東南各省當時楚與吳越皆號蠻夷漢時山東出相山西出將南方所出入物寥寥晉時五胡亂華衣冠南渡於是南方漸盛北方漸衰宋又南遷遼金元迭興於北於是南方益盛北方益衰古之所謂中原文獻而今則荒寒愚陋矣古之所謂南蠻馭舌而今則富庶文明矣即以湖南論春秋時楚地不過湖南悼王用吳起并百越湖南屬楚始通上國兩漢三國湖南人名見史傳如胡廣蔣詭者可軍指數唐時長沙至劉說乃舉進士時謂之破天荒及元歐陽原功明劉三吾夏原吉劉大夏李東陽楊嗣昌駁駁始盛 國朝名臣名儒輩出船山歐陽諸公以文學關風氣曾左胡江羅李以武功致中興於是四方推重湖南為人才極盛之地固由地氣轉移所致亦由鄉先生之善變也如不變則終如古南蠻而已矣歐人強盛冠於五洲而其強盛亦非自古已然也泰西自希臘羅馬漸進於文明羅馬分裂散為戰國其勢中衰一厄於同人再厄於蒙古至明時乃復興而今時勢益熾計歐洲之強盛不過三四百年其創立機器不過百年以前其所用火器舟車無大異於中國然則其創機器以橫行五洲也亦天地之氣運大變將肇開大一統之象而不可遏抑也韋廉士曰利木為舟舟木為楫舟楫之利以濟不通蓋取諸渙服牛乘馬引重致遠以利天下蓋取諸隨致工記曰作車以行陸作舟以行水此皆聖人之所作也古時未有舟車而聖人創造舟車以利物則舟車不可廢而不用然則古時未有輪舟輪車而西人創造輪舟輪車以利物則輪舟輪車亦安可廢而不用乎或謂輪舟輪車行則舟車將廢恐奪小民之利是不然當未有舟車時人之運物負戴而已智者創為肩挑之法則一人兼二人之用矣智者創為車載之法則一車又兼數人之用矣智者創為舟運之法則一舟又兼數車之用矣如謂奪民利則有舟不必更有車有車不必更有肩挑負戴何以今日舟車並用而肩挑者猶有人負戴者猶有人蓋物有輕重多寡路有水陸險易各從其便不可偏廢舟車未嘗奪肩挑

負戴之利輪舟輪車又何至奪舟車之利乎泰西諸國輪舟通行仍有帆船輪車通行仍有馬車蓋輪舟輪車只能力行於大川廣路其不能行之處仍須帆舟馬車且碼頭既開貿易更盛需用人力及舟車必尤多於往日此一定之理非虛言也老莊之書高談皇古以老死不相往來為美談推其旨則不但輪舟輪車不宜通行即聖人亦舟作車亦未免多事試問文明日啟民智日開欲其老死不相往來安於草昧之俗得乎若終安於草昧則亦終為生番野人而已矣今五大洲通而為一乃古來未有之奇變天地之氣運一變至此人何能與天地相抗能迎其機而自變者其國必昌不能迎其機而變者其國必亡至於國亡之後必別有人代為之變俄之彼得日本之睦仁能迎其機而自變者也若五印度南洋諸島非洲諸國不能迎其機而變國亡之後而人代為之變者既有其機則必不能過而不行既有其法而人以為便既有其物而人見為利則必不能廢而不用必欲過之廢之不肯自變將來亦必終歸於變此天地之氣運如是聖人之作易與春秋已明告後世矣時局愈變愈奇中國之勢命迫自馬關和後倭後局較前一變自膠島租德後局又較前一變不但與湘軍打長毛時局面不同並與鎮南敗法人時局面大異今言時務當講求馬關和後膠島租德後之時務如去年之歷今年即不可用守舊者動曰毋教探升木毋開門揖盜此數十年前之議論未嘗不深謀遠慮其時中國尚能自固外國尚不深知中國情形不招之來彼不能來不引之入彼不敢入輪船鐵路運辦一日可保一日少辦一處可保一處今中國不能自固情形彼已深知探自能升木並不必有人教之矣盜且將劈門並不須開門揖之矣自己不變而待人來變豈非猶拘於數十年前之論哉

揭論歐人圖中國成謀及與亞細亞歐策○日本人報云俄人蓄鯨吞之志久矣今豈不思乘此機會利用德法同盟之勢力以玩弄清廷箝制日本而制亞洲之死命哉夫俄自百數十年來蓄養精銳今乃鼓其雄健之羽翼思以蔽掩天日若提其精甲堅艦以出東洋必有一風雲變色之舉矣顧日清戰後德法三國於清各得大益是即同盟之嚮蹤乎然三國之中俄利為最厚是又主謀之所必然也今俄已得者東清鐵道橫貫滿洲及敷設各事之特權又華俄銀行為將來操縱清國財政之機要德得借踞膠州法割雲南暹羅緬甸之邊地同時于支那最富饒之廣東廣西湖南雲南探掘鑛山敷設鐵道之利又俄法同盟擔保中國公債干涉清國度支英國得西江開港之權又改定英清間緬甸境界延築緬甸至雲南鐵路至於英國欲再攬貨巨欸德創天津漢口租界更無論矣今概觀之皆謂德俄邦交之密過于法細考之則俄法在北京公使情誼之暖實非德之所及至能

以盛氣凌厲中朝者尤為德公使之長技去年視俄加冕之禮俄法公使在北京觀見禮節之優皆經俄法政府所定觀此可知俄法公使於中日戰後其勢力於北京又實非他國公使之比蓋俄國之所倡法必應之法國之所為俄必輔之非常之勢力可稱匹敵矣英國五十年來於東方先占得絕好地位翻弄清國政府於股掌之間人皆讓之今忽離羣孤立超然退守使人以嫉妬化為猜疑俄與法高視闊步旁若無人其態不堪目擊現英之全權公使雖比前公使稍雄然亦不能躍於德法之上蓋孤掌而鳴難抗俄法合並之勢也即德亦日有增進英不能凌駕之矣今就各國將實肆備囑於清國者條告於眾 俄國圖歐東洲之東歐之政略持漸進主義圖遠東持擴張主義進支那北部為經略亞細亞之大根基 干歐洲利用俄法同盟之勢力使勁敵孤立之英國以便稱霸東方 交清政府則寬猛並施威兼用專主懷柔以籠罩清國 東清鐵道之敷設欲聯絡山海關鐵道開東鐵道以速成西伯利亞大鐵道 創立華俄銀行據清國大資本代英國監督清國財政 俄德法同盟之政畧無非欲排去英國東方之勢 懷撫中國東三省蒙古及朝鮮北部之人民漸建殖民之基為蠶食之計 借旅順口為海軍屯煤避凍及制中國海軍之致命 進取哈連高原謀延築中亞細亞鐵道漸次蠶食伊犁地方 圖朝鮮持急進主義排列國之勢擁國王柄內閣握兵權掌財用賜託保護陰圖占地 浦鹽有冰對之患西伯利亞鐵道所出未得海軍要地故乘機占領朝鮮半島為軍港 整備黑龍江及沿海一帶軍實急俟西伯利亞鐵道大功告成推占日本地步 法國 法俄同盟思制歐洲中原之局然與復讐之師不易故改而東步 對清國政府之舉動與俄一致交相濟惡 有安南東京為根據漸進入中國南部雲南廣東廣西侵奪中國內地利源 干雲南省之西南開通商地為交通安南聲氣之法 延長安南東京之鐵路入中國內地藉圖南部各省 前年中法條約於雲南暹羅緬甸之境劃其地十漸於南省敷設鐵路探掘礦山 將來以暹羅為其保護國謀交連東京南清地方立法國殖民之基 英國 近日超然持獨勝之主利避他國之同盟謀修起海軍使其國不受一毫之損以鞏衛其殖民地 對清國政府於政治上九英勢力所及者不使失其威望專以威壓政策臨之 圖暢海軍權力保護東洋及歐洲本國印度中國太平洋之商權使聯絡一氣 開發東清地方利源藉條約開通西江及改訂緬甸與約延長緬甸至雲南之鐵道 彼國政府或與我日同志以抑制俄德之盟 干中國朝鮮之事持重不發以避俄之衝突 德國 近觀彼國之在歐洲之勢力如登峰造極全國社會泰西 極盛保護民間產業甚富於南洋及非洲東部則急於圖取殖民地又自日清戰後銳意向東

邦求屬地據膠州是其開端 于遠東合同俄法制中國後其勢似有減退異日或與英合力敵俄法也 得漢口及天津租界為東方商務根據地乘機會或進取福州附近為海軍根據地 因宣教司被殺之好機致遂於山東省得探掘礦山敷設鐵道之特權 膠州灣名為借用實為德屬既可屯海軍且有控制中國北海之權力 凡中國從前購買軍艦兵器藥彈並聘請軍隊教習皆屬於德以後當不然 俄國外交之善在守一定之國是不動以溫和之辭令貫其強健之志意以靈活之手腕行其雄大之策略猶秦氏之善用大策士張儀大政治家商鞅范雎蔡澤以臨滿洲高原無人之野何異馳驅而逐塞鬼哉 英國外交之善在權謀並用強勇自善以商鞅之明行韓非之術如春秋時楚國利用堅甲利兵以臣南廣百蠻終為諸侯盟主之勢地廣財豐志高氣揚法德占韓魏之地位其外交亦各有所善法方效俄國而未及其退武德方學英而畧近其蹤四強之爭東方猶吳越秦楚之爭大陸也若夫日英戰爭以後勃然而起於極東者其我日本乎方今籌習善戰善和之道沈毅剛健蓄精養銳能超然對清國而勝之者持易勝位置故也則試舉東邦經紀要著待聯清國以成合縱連衡之計者修議其畧於左 日本對清國政府宜專行懷柔主義防禦其土崩瓦解之勢 對列國之勢力宜穩立我外交基礎並整備海陸軍力如一旦有事猛烈崛起一切完整即以大和名宰相對歐政債為我秘訣 白灣經營之實專謀聯絡福建廣東漸次開拓中國內地之富源 協商俄國得京釜鐵道敷設之特權及聯絡滿洲鐵道西伯利亞鐵道 於清國欲得由我商家代築蘆漢及廣東之鐵道及或僱我技師 我國當派遺有為之士於中國南部藉通福建廣東及湖南等省有志節人之氣脈相與協同團結或與新聞雜誌開發政論 我國派遺有為之士於中國南部藉通福建廣東及湖南等省有志節人之氣脈相與協同團結或與新聞雜誌開發政論 我之俱樂部 俱備外交之機關 如上海為日清國民團結之階梯漸次設於天津北京金陵漢口廣東等處該俱樂部第一班義在開設口清兩國士人同撰之漢字新聞以大張我等亞細亞洲之輿論亦合縱連衡之策也嗚呼方今列國之眈眈逐逐圖分東邦萬里之山川一旦東邦決裂風雲之機成四百餘州之天地嗚呼其波及者我日本為最甚則毋亡平昔善和善戰之經綸也 錄蘇報

時務學堂招選榜 ○總理時務學堂 為招選事照得本學堂補考外府州縣各生業將試卷閱過挑取拾捌名定於本月初九日已刻來堂看卷將姓名榜列於後該生仍須先期親身赴堂看卷填注驗單屆期各攜筆墨聽候點名給卷須至榜者 計開 陳秉章 孫海藩 唐定甲 吳雲樞 王臨渚 楊以忠 陶用和

謝鳳聲 楊邦琛 管在鏘 楊 桓 何玉光 郭本燮 劉棟蔚 許盛柏 田邦瑜 陳克東 許晉

進呈書籍○南海康長素主政學問經濟為地球萬國所共知茲聞主政在籍有年於去冬入都銷假政府大臣素耳主政之名莫不虛懷訪道主政既詳為開示且請政府進呈一書名曰大彼得變政攻其義以為今日之急務莫如變法而變法之事各國不同有君主國之變法有民主國之變法有君主國之變法中國自古為君主之國則當學君主國之變法故俄國彼得大帝之事尤為 朝廷所宜留意云 錄國聞報

鐵路開捐○天津訪事人云俄羅斯吉林鐵路現已興工去年順天府尹胡大京兆會經奉 旨督辦開外鐵路與彼相通庶免異日吉林鐵路告成俄又有藉口京兆奉 旨後會帶同員匠出關勘估因工程浩大經費難籌議定新章擬將此路工程做照鄭工之例奏請開設鐵路捐輸其報捐花樣及收捐成數均與新海防一律並開捐欸除給實官外並可由鐵路總局核計捐銀數目每年給以利息二釐以示招徠而寓體恤刻已交戶部議覆矣 錄申報

法人又添利益○前廣西永安州戕斃法教士二名茲聞法公使在滬署要索五款 一擊斃兇手 一懲辦地方官 一索北海屯兵 一龍州鐵路接至北海 一重索郵款

比較水師○倫敦水陸師報云現在中華海面所泊戰船以日本為最多然俄法德三國添調兵船至中國海面者甚形忙碌待俄國兵船齊集之日則日本或不能首推矣今各國可用以臨敵之船除慢行砲船不計外日本有十四艘大砲一百四十一門魚雷艇二十四艘以上英俄二國各有戰船十一艘英國祇得大砲一百一十八門魚雷艇十三艘俄國有大砲一百六十一門魚雷艇十四艘法國有戰船九艘大砲八十三門德國有戰船八艘大砲一百零二門英國未嘗添調兵艇然事迫或可由澳洲添調巡艇五艘魚雷艇二艘由太平洋添調巡艇三艘魚雷艇一艘由東印度添調戰艇多隻魚雷砲艇二隻巡艇一隻惟澳洲曾與英政府商定其戰艇照常駐口岸不能奉調他往東印度適在有事之秋為本境計恐難越境助戰且英人僅恃香港屯煤遠距直隸灣一千五百英里此亦可慮之事也茲聞俄人再添調第二等戰船一艘舊鐵甲巡船一艘另有新戰艇一隻已過蘇彝士河而至東海拿華連戰船亦奉命東渡復遺新式魚雷艇二艘大魚雷艇二艘相隨此諸船齊集東方時英國須由地中海添調戰船一艘始能抵俄兵之力現在遠東之俄人鐵甲巡船隊勢甚可畏且其鐵甲厚而

重英國在東方之巡船實所不如至論屯煤之事則俄國轉不如英國俄人雖有煤屯積於旅順而為數無多易於告乏至運春之煤廠春仲尚被冰封阻難於提取須待西四月始可供各船之用而日本又阻其出入德國水師之力不甚可畏雖續調刀士兵船東往兵勢仍不甚壯法國現有之兵船未稱備具惟聞又添調猛力巡船二艘鐵甲戰船二艘又由太平洋外調回巡船一艘然則法國既汲汲焉調戰船則中國海面似有開戰之意矣日本自有戰艦二艘又得中國戰船一艘並有新式巡船七艘舊式巡船三隻魚雷砲艇二隻魚雷艇之大家一隻次者二十一隻不日再派出最快之巡船一隻并聞在泰西添購戰船二隻至論水師船泊之所修舟之塢屯煤之廠皆以日本為最便以舟數而論英日兩國適與俄法德三國相等云 錄環球報

美艇被攻○本月初九日倫敦來電云古巴馬打熱洋海面有日斯巴尼亞國兵舟遇一美利堅國水雷艇以致互相攻擊既而美艇飛逃想已遭日舟擊敗矣 錄申報

特歐聯盟○德國福蘭克報云普雷多里亞來電云南非洲特蘭司法爾民主國與歐耶業國商訂連衡和約尚未定議 錄循環日報

養氣入飲○德歌報云德國飲水飲酒向加炭強氣近有人查得若以養氣代炭強氣其益尤大蓋養氣有療病之功能消滯積食又凡血氣太虧及受遺溺等症亦能補衛近德人某君已造有收取養氣之器一具 錄國聞報

俄人亂暴○鎮西報云俄人佔據旅順口後其嚴警戒凡外國人若抵該地則直疑為間諜捕而鞠之其情形恰似戰時云噫俄國夫何苦而如此乎行不以道得不以正後顧之憂其能免乎 錄漢報

美攻砲臺○本月初九日倫敦來電云日斯巴尼亞國政府鳩工至古巴馬打熱洋築砲臺工甫及半忽來美利堅國兵船數艘用開花砲猛攻 錄申報

俄人詰英○九州日日報登北京電報云俄國駐中公使巴比魯氏頃致書於英國公使詰問曰駐泊煙臺英國艦隊今日之舉動是對何人而行乎云云英國公使之覆答如何尚未知也然吾人將反詰俄國何以佔據旅順口大連灣乎何以屯陸軍於吉林乎何以送哥察克兵於遼東乎何以增加東方艦隊乎何以架設滿洲及遼東鐵路乎實人不如自責也矣 錄漢報

法京偉觀○西報云法國巴黎京城擬於一千九百年設立大博覽會會場建立旋轉宮一所計高三百五

十西尺形勢六角中分二十五層裝飾奇麗多用玻璃夜間燃白光燈一盞可抵二萬支燭光又弧光燈一盞可抵二千支燭光光彩爛然人目為眩樓之中心有機軸人登其上用水力運動一點鐘可周歷二十五層毋煩舉足之勞登樓一望巴黎四境風景俱在眼底最上層安置大鐘六十四口風琴一具終日盈耳洋洋鏗鏘可聽真傑構也古有所謂齊雲落星者以視斯樓定堪鼎足 錄中西報

魚皮獲利○日本即告查部洋面近有英美兩國人在該處捕魚剝皮售賣計英美船三十八艘法船六艘自捕魚以來已得魚皮三萬八千一百餘張值銀五十七萬一千五百餘元現在該部發賣已有二萬六千三百九張其載運他處者概四千有奇其各船分得之數美船得一萬六千六百八十八張英船六千四百三十張法船三千九百九十張海利之大日出斗金信然 錄益聞報

日截美船○本月初十日倫敦來電云美利堅國商船六號行至地中海被日斯巴尼亞國兵船攔截隨即一併帶回 錄申報
不纏足會續題名
善化章恭斌之母瀏陽歐陽瑞人捐銀一元
瀏陽劉女士燕如捐銀四角

- | | | | |
|-----------|-----------|-----------|------------|
| 鄒耀賢字紹航瀏陽人 | 鄭業本字樹榮長沙人 | 陳光謙字斐仲長沙人 | 周鴻勳字華臣長沙人 |
| 饒淵永字袖岑長沙人 | 羅才學字緝明瀏陽人 | 劉作樞字勁謀瀏陽人 | 邱卓林字 瀏陽人 |
| 劉顯詔字翰卿瀏陽人 | 覃玉昇字向友慈利人 | 吳堯中字葵初善化人 | 毛友德字松盛善化人 |
| 程 琦字紹韓長沙人 | 楊 協字君和善化人 | 鄒定基字平一善化人 | 吳志超字楚用善化人 |
| 王國柱字端明湘鄉人 | 焦顯樹字榮森瀏陽人 | 黃顯璋字達夫甯鄉人 | 晏昭翰字西園瀏陽人 |
| 吳 洸字子平長沙人 | 章長禧字徽五善化人 | 晏昭度字冕堂瀏陽人 | 藍 忠字 昭之善化人 |
| 趙慶治字舜笙長沙人 | 邱惟振字申甫瀏陽人 | 陶承贊字文堯安化人 | 伍先澤字清明長沙人 |
| 何支穎字紹卿瀏陽人 | 饒榆齡字星帆龍山人 | 李 芬字泗清長沙人 | 劉樹人字慎初瀏陽人 |
| 李鴻鵠字卓卿長沙人 | 晏世傳字迪卿瀏陽人 | 許 由字嵩吾江南人 | 董星琦字聲武長沙人 |
| 李東藩字鏡秋巴陵人 | 周元瓚字振吾瀏陽人 | 方 雷字伯霖江南人 | 方 霖字舒翹江南人 |

保坤丸

調經種子卻病仙丹每九制錢捌拾文 星沙青蓮室寄售

重刻鄒徵君遺書

先生算學匯通中西皇輿恆星各圖尤稱精善惟家藏本印行甚少購致艱難本莊詳加校對呈付刻刷以便學者暫曾股票百張先廣銷路準於六月成書寄省城三味局崇德堂及各書坊出售 竹映書莊謹啟

讀史方輿紀要招股

湖南省城售票處 走馬樓三味書局 職務總局內彭景韓先生
是書通行有四川江西兩本字多謬脫板已漫漶爰蒐載籍校數過已五易寒暑今改繪模本重新繪圖付刊因工費浩繁招股集費以四百股為限
各公願入股者請將股票照上例兌交上開兩處照取股票為信并將刻出書樣呈覽股票售至戊戌年八月三十日截止約冬季可以成書此啟

維新書局

開在湖南省城南正街粵辦官板中西史志文涉公法輿地算學及各種格致圖籍詳開後

印送不纏足歌

凡欲閱者請至南正街官板領取

失票聲明

啓者三月初四日漢口天成豐庄立票向長沙本號三月底兌交鼎記長平足紋壹千兩票係是月十三日岳州恒昌錢號交森昌信行遞送長沙遠順照收於二十日在平江驛地方被盜搶去當在該縣報案茲復在善化縣存案並請有論單交天成豐嗣後無論中外各色人等拾得此票均作為廢紙特此聲明以便週知此佈
岳州王恒昌 長沙天成豐全啓

恒興祥茶號

開設省城柑子園口專辦各種名茶發客重更無欺其價格外公道凡賜顧者請認本號招牌為記庶不致誤

四月初八日日用各物時價表

物名	每	價	比較	物名	每	價	比較
銀	兩	四十四文	銀	兩	四十五文	九十六文	
上白米	石	一千三百四十五	次白米	石	一千三百四十五	七錢九分五厘	
中米	石	一千三百四十五	河東谷	石	一千三百四十五	一千六百八十八文	
河西谷	石	一千三百四十五	沙	石	一千三百四十五	四十五文	
洋麵	包	一百二十五	菜油	百	一百二十五	七兩四錢	
洋油	桶	一百二十五	桐油	百	一百二十五	六兩	
牛油	斤	一百二十五	軍木炭	百	一百二十五	壹千文	
歡喜炭	百	一百二十五	上棉花	百	一百二十五	十六兩六錢	
中棉花	百	一百二十五	下棉花	百	一百二十五	十五兩五錢	
頭印折衷	石	一百四十四	二印折衷	石	一百四十四	三兩四錢	
三印折衷	石	一百四十四	吳庄紙	石	一百四十四	三兩六錢	
塊煤	石	一百四十四	烟煤	石	一百四十四	三兩六錢	
柴煤	石	一百四十四				三百二十文	

臬憲通飭各州縣札

欽命二品銜署理湖南按察使司鹽法長寶道隨帶加一級黃 為通飭事案奉 撫部院陳 批臨湘縣申報監犯歐召善患病保外醫調一案奉批據申已悉查應免罪因法司核覆文到之日即行釋放又應追埋葬銀兩限一個月追完如十分貧難量追一半若限滿勘實力不能完取結請諭定例各有專條此案監犯歐召善因戮傷王昌合身死擬絞監候恭逢光緒二十年八月十六日 恩詔援免於二十二年四月十八日奉准 部覆行司轉飭遵照在案該縣於奉文後即應釋放何得因埋葬銀兩未清將其羈禁兩年自因不諳定例以致錯誤該縣一處如此其餘各屬亦恐不免仰按察司飭將各屬州縣申報監犯月報清冊逐一查核如有應釋未釋人犯即由司札飭提禁交保以清圍圍而免淹滯並飭該縣知照此繳等因奉此查上年九月內據湘潭縣詳報鍾俊才在保病故一案會奉 撫憲批示徒罪以上人犯始行收監律有明文鍾俊才案所登時殺死姦夫律得勿論無罪之人本不應收監杖罪以下例歸外結並不咨達亦無部覆可奉此案前據桂前司詳詳當經本部院批結該縣不將其省釋致監禁一年有餘今已病故尚稱未奉 部覆大屬不合應飭各屬清查如有似此誤監人犯立即省釋毋使瘦斃等因當經本部司錄批通飭在案以為各州縣奉文之後自必觸目警心將監管人犯逐一清查分別省釋不至再有濫禁之人茲奉前因重據該縣申報到司檢閱卷牘殊為詫異夫以逢 恩赦免之囚而因埋葬銀兩未清羈禁兩年之久該令既不勒限追完又不查實請諭提禁省釋殊不可解足見各州縣平日於羈管人犯全不留心即各上司諄諄誥誡亦復視為具文慢上殘下殊可浩歎本署司自蒞湘省權陳臬事親見擬罪招解之犯囊頭械足鳩形鵠面匍匐案下無復人色詢及管禁幾時身受諸苦無不潸然淚下甚則伏地痛哭不能仰視所有監禁羈管一切情狀大都圍扉矮牆踏天踞地食飲不飽坐臥無所而汚穢所積蒸為炎疹死亡枕藉血肉狼戾傳染毒氣無不生疾醫方診病官已驗屍湯藥未進瘡裏繼出即在尋常亦已十囚五死若遇天災更不堪問以此種監獄而禁卒看役反據為利藪一人受押凡隨身之物一錢尺布搜括淨盡食宿之地溥便之所一舉一動無不多方抑勒甚至置之瀾穢戴以溺器擅用非刑恣其凌虐縛於短凳中貫長扛使不得轉動謂之施棒方繫其肢體半懸於空使不得反覆謂之吊半邊豬縛手足大指以懸空者謂之扳臂反縛而懸者謂之倒扳臂並有烟薰火炙逼刺等厲脚打地雷猴兒偷桃等類名色種種酷虐甚於地獄稍有入心尚為之口不忍述耳不忍聞何況若輩身受其苦古人有言畫地為獄議不入刻木為吏期不對蓋獄吏之